

Jumlah premis ditutup akibat kotor menurun

SINAR HARIAN 5/3/2018

KUANTAN - Jumlah premis makanan yang dikenakan tindakan tutup sementara ekoran gagal mematuhi peraturan yang ditetapkan menunjukkan penurunan pada tahun lalu berbanding tahun sebelumnya.

Pengarah Kesihatan Negeri Pahang, Dr Sha'ari Ngadiman berkata, pihaknya komited menangani isu kebersihan premis makanan melalui pemeriksaan rutin yang dijalankan oleh pegawai penguat kuasa ke atas premis makanan.

"Menurutnya, pemeriksaan telah ditumpukan kepada premis yang berisiko melalui Operasi Premis Makanan Bersih

yang dilaksanakan secara bersepadu dengan agensi kerajaan yang lain dua kali sebulan.

"Sepanjang Januari hingga Disember 2017, sebanyak 12,782 premis makanan telah diperiksa di seluruh Pahang berbanding 12,603 premis diperiksa sepanjang tempoh yang sama pada tahun 2016.

"Daripada jumlah itu, sebanyak 120 (0.94 peratus) premis makanan telah diarah tutup kerana tidak mencapai tahap kebersihan yang ditetapkan berbanding 162 (1.28 peratus) pada tahun 2016," katanya.

Sha'ari berkata pengurangan jumlah premis ditutup menunjukkan peningkatan ke-

sedaran pengusaha akan kepentingan menjaga kebersihan dan keselamatan kualiti makanan di premis makanan.

Katanya, pemantauan yang berterusan serta tindakan penguatkuasaan melalui pelaksanaan sepenuhnya Peraturan-Peraturan Kebersihan Makanan 2009 adalah untuk melindungi kepentingan awam.

Sementara itu, Majlis Perbandaran Kuantan (MPK) mengenakan 11 kompaun terhadap pemilik premis yang mengabaikan kebersihan restoran dan kedai makan sepanjang tahun lalu.